

DEDICATION,

Leben / die ewige Freude auß lauter Genaden mittheilen wölle / Amen.
Bittend mit diesem wolmeinenden Wunsch vnd gegen Echo, ditzmal ver-
lieb zunehmen / beneben mich zu dessen Diener bestes fleisses recommen-
diere, &c.

Nun habe ich meinen lieben Vattern / mir dises so hochnußliche Stück
auch herfür zugeben erbetten / der es mir dann ganz geneigt vergönnet/
also habe ich mich darüber gesetzt / die darzu zween nottwendige Grundriß/
so gutt als ichs zuthun vermöchte / gleich von eigener Hand in das Kupffer
radirt / vnd solche Gott zu Ehren / auch dem gemainen Wesen zum besten/
gleichfalls in den Truck außgeferttiget.

Dieweilen dann E: W: E: Gstr: B: E: H: W: Gsin: so wol mund:
als schriftlich / sehr cortes vnd freündlich sich gegen mir haben vernemen
lassen / daß ihnen so wol mein Erster / wie nicht weniger der Ander Theil/
zwar geringfügige in den Truck gegebene Werckhlin angemem weren ge-
wesen / darbey auch gewünscht / mit dergleichen nottwendigen dingen/
weiter fortzusetzen / neben dem rhümblichen Anerbieten / mir hierinnen
allen fauor vnd hülff zulaisten. Als habe ich desto fecker das Herz gefas-
set / hie gegenwertiges Tractetlin / als mein Dritten Theil des desiderie-
renden Mayerhoffs Gebäw / zu schuldiger Danckbarkeit / der von ihnen
empfangenen Wol: vnd Gutthaten E: W: E: Gstr: B: E: H: W: vnd
Gsin: hiemit vnderdienstlich zu Dediciren vnd zu zuschreiben. In Beden-
ckung / daß dieselbige doch ins gesambt sonderbare Liebhabere der Ciuili-
schen Gebäwen / fürnemblich auch von Gott dem Allmächtigen mit wol
ansehnlichen Adelichen Landgütern / so wolen der nußbarn Mayer: vnd
Güllhöfen gesegnet seynd / wiewolen aber leichtlich zuerachten / daß sie
zum theil / durch das lang gewehrte Kriegswesen in etwas schaden möchten
gelitten haben / neben den wolmeinenden Gedancken / ob villeicht in der ge-
genwertigen Mayerhoffs Pianta, zu reparirung der alten / oder aber auff-
bauung gar newer Güllhöff / hiervon was ersprißliches köndte genuket
vnd in das Werck gerichtet werden. Vnderdienstlich bittend / sie geruhen
es